

法性虛妄

妙林經云天尊曰度命真士曰所謂安樂皆從心生心性本空云何修行知諸法空乃名安樂譬如愁人心意昏亂煩毒熱悶於此人前設諸幻術木男木女木牛木馬羅列施張作諸戲術愁者見之如生平牛馬相息諸煩憤心意泰然我今亦爾一切眾生虛妄愁毒未能安樂是故我說修諸功德無量無邊又諸往生不思議土若知虛妄本無所有一切眾生舉足行步諸所作爲悉不思議若知清靜自在無礙心所求願恣意充足若有修善當得往生三清妙土如此方便止彼虛妄而實未曾有彼三清常樂境界之所希望若欲速得三清寶城常樂淨土當以

道藏輯要

雲笈七籤

卷

井集四

大乘無上慧心觀我身相從無量劫因何法生既知無因乃知我以無我故是我身常在三清常樂淨土

道性因緣

海空智藏作禮問言天尊我今思念萬兆造化之由云何一切諸法各有道性從因緣生以是因緣應有縛耶應無縛耶是五陰耶是六塵耶天尊答曰譬如眾生臨欲終時如日之沒臨欲沒時山陵堆阜影見東移理無西沒眾生業果亦復如是此五陰滅彼五陰生譬如燈明暗滅燈滅暗生譬如泥瓶泥與瓶合泥滅瓶成而是泥相終不名瓶瓶雖非泥不餘處來以泥因緣而生是瓶五陰生滅亦復如是有煩惱故名爲繫縛無煩惱故

名爲解脫譬如眼根開時見色閉時無見煩惱繫縛合散生滅更無別法眾生五陰亦復如是

### 本性清善

天尊告最勝童子當知夫一切六道四生業性始有識神皆悉清善唯一不雜與道同體依道而行行住起臥語默飲食皆合真理如魚在水始生之初便習江湖不假教令亦如玉質本白黛色本青火性本熱水性本冷不關習學理本自然一切眾生識神亦復如是稟乎自然自應道性無有差異云何而生種種惡緣地獄餓鬼畜生等報當知皆是六根所引所以六根六濁六情六染是四大結能生種種善惡業因增長三途種種煩惱

### 道藏輯要

雲笈七籤  
十一

卷

井集四  
十一

能斷無始以來一切善本又真人決理禮白天尊既言一切眾生有神識初清善不雜行必合規動應真理進退俯仰行住起臥莫有失節一一諸法皆合道宗無有差異若如此者眾生所見及與所聞動止所爲云何得染麤穢之事天尊曰譬如冰寒之堂清以冰凍而爲梁柱牀席屏幃莫非冰結就此中間云何得火云何得熱煩惱之患一切眾生識神之初亦復如是本旣爲善所習復善云何獲種種果報又復天尊譬如百和之香共在一篋之內芬芳流溢無有一家臭穢之氣識神之初亦復如是本旣香潔滓穢無方又復天尊譬如日光具發明照於其中間了無暗黑識神之初亦復如是本旣曉了冥昧云何猶復並